

Төрийетовна,
Көзге

«Нұрбөбек» мектепке дейінгі ұйымы.

«Алтын күз!»

(мерекелік шаралар)



Орындаған:

Тәрбиеші: Исакова.Ж.М.

2021жыл.

«АЛТЫН КҮЗ»

Безендіру: Ойын залы мерекеге сай безендірілді.

Кейіпкерлер: Күз патшайымы және балалар көкөністер мен жемістер болып киінді.

Балалар «Мерекелі, берекелі алтын күз» музыкаменсымен қол ұстасып саппен билеп залға кіріп, орындарына орналасты.



Тәрбиеші: Сәлеметсіздерме құрметті ата-аналар, ұстаздар және балалар.

Сары жібек көйлегін желбіретіп,

Жапырағын ағаштың селбіретіп.

Тойға бөлеп елімізді күзім келді,

Нұр тамшысын аспанның мөлдіретіп.-дей отырып бүгінгі

болатын біздің Алтын күз мерекесіне қош келдіңіздер! Ел байлығын арттырған берекелі де, мерекелі күз мерекесі құтты болсын! Ендеше біз «Алтын күз» атты ертеңгілігімізді бастаймыз.

Бүгін біздің балаларымыз күзгі баққа саяхатқа келіп отыр.

Балалар бүгін бізге қонаққа күз патшайымы келіпті, қане, балалар баріміз бірге орнымыздан тұрып күз патшайымын қарсы алайық.

(Балалар орындарынан тұрып күз патшайымымен амандасады)



Күз патшайымы: Сәлеметсіздерме, балалар мен күз патшайымы боламын. Сендерге алыс жерден келдім, мені сендерге күз патшасы жіберді. Балалар сендердеің қандай өнерлерің бар, мен сендердің өнерлеріңді көруге келдім, менің тамаша өнер көрсеткен балаларға арналған сыйлықтарым бар. Балалар, сендер өнер көрсетуге дайынсындарма?

Балалар: (дайынбыз) деп жауап берді.

Тәрбиеші: Балалар біз күз патшайымын төрге отырғызайық.
(күз патшайымы төрдегі орындыққа орналасады).

Балалар күз патшайымы ең алдымен сендердің өнерлеріңді тамашалағысы келеді.

Қане, балалар дайындаған көріністерімізді көрсетейік.

Көрініс: «Көкөністер айтысы»

Бір күні Бағбан көкөністер теруге бақшасына барды. Кенет бақшаның ішінен күбірлеген дыбыстар естілді, таң қалған Бағбан бұл ненің дыбысы екен деп тыңдаса, көкөністер адамдарға «мен пайдалымын, мен пайдалымын» деп айтысып жатыр екен.

Ең алдымен сөзді сәбіз бастады.



(Сәбіз) Нұрханқызы Шамшынаһар

Адам бойын өсірем,
Ауруын көздің кетірем.
Бойшаң сұлу сәбізбін,
Күн көзімен жетілем.

(Қияр) Байнияз Бексұлтан

Сөлді, дәмді қиярмын,
Дәрумен бойға жиярмын.
Салаттың менсіз сәні жоқ,
Кез-келген жерге сиярмын.

(Картоп) Марат Санжар

Адам жеуін тыймайды,
Картопты күзде жинайды.
Төресі деп жемістің,
Мына мені сыйлайды.

(Қарбыз) Сәрсенбай Жанел

Шөлдесе шөлі қанатын,
Бүйрекке шипа табатын.
Адам үшін пайдалы,
Жоғары менің санатым.

(Пияз) Шилібек Дінмұхамед

Жасауратып көзіңді,
Ауруға қылам төзімді.
Мыңда бір шипа пиязбын,
Серт қылам осы сөзімді.

(Қырыққабат) Бақыт Әлинұр

Емдік шипам көп менің,
Тамақтада текті едім.
Жиірек мені жесеңдер,
Семіздіктен шектермін.

(Алма) Қонысбеқызы Алтынайым

Алма деген арумын,
Темірдің көзі-дәрумін.
Сақталамын тым ұзақ,
Сондықтан мен тәуірмін.

(Асқабақ) Жұбаныш Әбілмансұр

Ішім сары, сыртым қатты,
Дәнім-дәрі, дәмім-тәтті.
Пісіріп жесең ас-тамақ,
Менің атым асқабақ.

(Қызылша) Бердібек Көзайым

Қызылша деген атым бар,
Қант берер затым бар.
Адам қанын көбейтем,
Ал сендер тыныш жатындар.

Бағбан:

Таласпаңдар қойыңдар,
Араздықты жойыңдар.
Бәрің қымбат мен үшін,
Бағбанбыз гой мойындар.
Алаласам егерде,
Сендерге су берем бе.
Жидегің бар жемісің,
Тәттісіңдер жегенге.

Мәпеледім баладай,
Әрқайсыңа алаңдай.
Жайқалып тек өсіңдер,
Қаңқу сөзге таланбай. -деп Бағбан бақшадан шығып кете барады.

Тәрбиеші: күз патшайымы сізге арнап балалар «Алтын күз» әнін айтып бермекші.

Ән: «Алтын күз» (хор)

Тәрбиеші: Балалар күз мезгілінде түрлі дәмді жемістер піседі, олардың пішіндері әртүрлі болып келеді, соған байланысты «Ұстап қорда, атын айт» ойынын ойнап жіберейік балалар.

Ойын: «Ұстап қорда, атын айт»



Шарты: Балалардың көздері байланып, қолымен ұстап көріп, сезіну арқылы қандай жеміс екенін табу.

Тәрбиеші:

Қарсы алайық қол соға,
Өнерлі жас қаншама.
Мың бұралып билеген,
«Қолшатыр» биімен ортада.

Би: «Қолшатыр»



Тәрбиеші: Күз патшайымы сізге біздің балалардың өнерлері ұнады ма?

Күз патшайымы: Иә, өте өнерлі балалар екен.

Ізтлеуов Алдияр

Күзде жайнап ашыла,
Күннің нұры көшкендей.
Алма ағаштың басына,
Қызыл қарбыз өскендей.

Қасымхан Әдемі

Алтынға бояп өңірді,
Күзде келді көңілді.
Бау-бақша мен орманда,
Сары жапырақ төгілді.

Тәштлеуов Атамбек

Қыркүйек, қазан, қараша,
Күздің бұлар айлары.
Үлкендер қуанып балаша,
Егіндерін жинайды.

Төрбек Әлинұр

Ой балалар, балалар,
Қоңырқай күз келіпті.
Қурап жапырақ солыпты,
Ел егінін орыпты.

Жұбаныш Айлин

Алтын, сары, қызыл, көк,
Алуан-алуан жапырақ.
Күзгі бақта күлімдеп,
Көз тартады жалтырап.

Жұбаныш Асылым

Алма пісіп, алмұрт түсіп,
Күзде бақтар жайнайды.
Құстар қайтып, қош айтысып,
Қимас үнмен сайрайды.

Бердібек Бексұлтан

Күзім-ау, күзім-ау,
Мінезің бұзық-ау.

Жаңбырын сіркіреп,
Келгенің қызық-ау.

Арыстанова Қарақат
Жап-жасыл тал мынау,
Сары шапан киіпті-ау.
Айнала тұнжырап,
Қабағын аспан түйіпті –ау.

Тәрбиеші: Балалар күз мезгілінде түрлі дәмді жемістер піседі, олардың дәмдері әртүрлі болып келеді, соған байланысты «Дәмін татта, атын айт» ойынын ойнап жіберейік балалар.

Ойын: «Дәмін татта, атын айт»



Шарты: Балалардың көздері байланып, дәмін және иісін сезіну арқылы қандай жеміс екенін табу.

Тәрбиеші: Балалар далада құстардың дауыстары естилип жатыр, тыңдаңдаршы қане, балалар біз «қарлығаш» әнін айтып жіберейік.

Ән: «Қарлығаш»

Осымен күзгі баққа саяхатымыз аяқталды. Балалар сендерге Күз патшайымы сыйлықтарын үлестіреді.

Күз патшайымын алғыс білдіріп шығарып саламыз.

(Осы кезде әуен ойналып, Күз патшайымы қоштасып кетеді)

Балалар: Қош бол Күз патшайымы.

Тәрбиеші: Күздің кереметі, байлықтары өте көп. Күзде біздің дастарханымыз дәнді-дақылдарға, көкөністерге, жеміс-жидектерге толы болады, бірақ осы байлыққа жету үшін көп еңбек ету керек, сонымен құрметті қонақтар және балалар, бүгінгі біздің «Алтын күз» атты ертеңгілігіміз аяқталды. Сіздерді күз мерекесімен құттықтаймын, әр отбасыға бақыт-береке тілеймін.
Көріскенше сау болыңыздар!